

北斗本命延壽燈儀

法事如式

伏以元綱示像 迺垂上屬之科 梵炁經天 故有命
 星之宰 一歲而纏週六度 三甲而次遍九宮 總下土之
 群靈 回凶示吉 符上天之列曜 決否咸亨 有感必通
 無幽不燭 以今讚燈 弟子某人虔遵聖教 遙感真司
 焚紫鳳之熒熒 光通玉斗 焰紅蓮之爍爍 照徹金衡
 伏願
 太極頒祥 南宮度命
 保壽年之遐遠 資福祉之無窮
 稽首歸依 虔誠讚詠
 長生保命天尊

北斗本命延壽燈儀

清微藏書閣

臣眾等志心皈命 某本命星君 諸靈官
 伏以 真鑒非遙 密通於至禱 天階雖遠 可薦於
 馨香 仰祈圓極之神 以貸純禧之祐 以今然燈 弟子
 某人攝心返炤 刻意真風 慮多生之罪籍仍存 致此世
 之運行連蹇 欲求濟度 獲遇明科 然本命之星燈 滌
 身宮之愆過 伏願削斗司之罪簿 列南極之仙名 復連
 流注之殃 必成於祥福 否蹇迤虞之難 可革於光榮
 稽首歸依 虔誠讚詠
 長生保命天尊

玉真上帝 紫微尊神 繡衣羽襪 丹青緋裙
 雙珠曜景 華燈散陳 神光洞映 百福維新
 八威所告 無幽不聞 志心歸命 願得長生

臣眾等志心皈命 某本命星君 諸靈官
伏以 太虛妙一 固沖用以無方 仙錄明科 著精
修而有感 惟真庭之聖境 乃玉帝之晨居 仰駐仙旂
掃清琳館 奉元辰之上宰 延生炁之真神 以今然燈
弟子某人修德省躬 勵心悔過 虔施醮禮 潔辦珍饈
伏願三靈交泰 萬炁齊僊 闔門長保於利亨 畢世用臻
於善庇 魂神澄正 邪氣不侵 財祿豐盈 福基綿永
稽首歸依 虔誠讚詠
大慈延壽天尊

玉京嵯峨 朱闕洞開 中有皇人 總衛霄階
紫繡羽被 首冠金巾 主判命籍 封山召雲
若有所告 神威巨兵 志心歸命 願得長生

北斗本命延壽燈儀

清微藏書閣

臣眾等志心皈命 某建生本命星君 諸靈官
伏以 太極璇圖 演玉京之元範 東華寶籙 唱金
闕之洪猷 圓羅翠蓋 遮天首之十山 鬱秀瑤臺 觀空
青之九仞 是以流光開演 化功初動於招搖 妙炁周旋
歲序復還於箕斗 貴賤雖資於宿福 年齡必注於建生
以今然燈 弟子某人仰無上之玄司 向真常之妙道
循天星而布位 然絳炬以通光 伏願道與性通 心隨意
會 荐集聖真之佑 仰延降簡之祥 稽首歸依 虔誠讚
詠
消災捍厄天尊

太一真皇 中元紫君 厥諱規英 字曰泥丸
金床玉帳 紫繡錦裙 腰帶火鈴 斬妖滅奸

手把星精 項負白圓 一心歸命 願得長生

臣眾等志心皈命 某建生本命星君 諸靈官

伏以 雲琳天緯 施熠燿於清霄 玉影金圓 布方

隅於紫漢 爰自二儀初判 騰景曜於高虛 五炁元司

列群明於空表 因流逆之變 成禍福之虞 傍正或經於

命宮 過咎迺生於身位 以今燃燈 弟子某人慮星辰之

下照 啟薰禱於元司 伏願福曜高臨 克保大椿之算

災躔退舍 永膺光顯之榮 稽首歸依 虔誠讚詠

長生保命天尊

大明靈神 九度鬱青 朝霞散輝 灌鍊五形

宮駕六合 七神調平 使我飛仙 登行上清

功成道合 三素來迎 一心歸命 願得長生

北斗本命延壽燈儀

清微藏書閣

臣眾等志心皈命 某建生本命星君 諸靈宮

伏以 混元肇始 啟分青運之基 造化權輿 次立

赤明之號 洪推運炁 綱紀寰區 實左右於生民 迺總

司於禍福 以今然燈 弟子某人頂魁罡而應命 投真教

以傾心 注蘭液之芬芳 布銀缸之紫焰 伏願五福茂隆

九清孚祐 水履平康之運 長居寧謐之鄉 稽首歸依

虔誠讚詠

福生無量天尊

九炁青天 元始陽精 皇老尊神 衣服羽青

設御天宮 煥明歲星 散輝流芳 淘漑身形

五炁混合 天地長并 一心歸命 願得長生

諷經

宣疏
向來
回向

北斗本命延壽燈儀竟

天運壬辰年卯月正一天師清微弟子洪鼎堅羅大英恭錄彙編

北斗本命延壽燈儀

清微藏書閣